

# OMUKUETU

No: 8.

August

1955.

## ELENGA LJEGUMBO OMUDIGININI NOMUNANDUNGE.

"Omuua nokua ti: Olje ano elenga ljugumbo omudiginini nomunandunge, omuene gue e mu pa elelo ljaapia je, e ja pe oondja pecimbo ljado? Omumati omunelago ngoka omuene gue nge te ja note mu aada ta longo ngeji. Oshili taandi mu lombuele: oje ote mu pe elelo ljiinima je ajihe. Ihe omumati ngo nge ti ipopile momuenjo gue: Omuua guandje ite ja mbala, no ta tameke olulenga aamati naadike, nokulja nokunua nokukolua, omuene guomumati ngoka no te ja esiku ndjoka ine mu tegelela, necimbo ndjoka ine li tengeneka, no te mu hahala no te mu pe oshipeua she pamue na mboka inaa itaala. Nomumati ngoka kua li e li shi ehalo ljomuene gue, 'je ini ilongekida no ina guanica ehalo lje, oje ota dengua omadengo ogendji. Ihe ngoka a li kee nouino nokui ilongele omadengo, oje ta dengua kashona. Oshoka kehe tuu ngoka a peua oshindji, oja ta pulua uo oshindji, na ngoka a peua elelo ljojindji, ota pulua uo ojindji." Luk. 12: 42-48.

Elenga omudiginini nomunandunge olje? Ojendji tuu ja hala okukala omalenga ga tja ngaaka, ihe elenga omudiginini nomunandunge olje? Nokuli omulongua Petrus okua li a hala oku shi tseja uo. Oshoka elenga lja tja ngaaka oli noshilonga sha simana shokulela iinima ajihe jomujamba. Ope niimaliua, nomizalo, niimuna, esiku limue noshihauto uo. Ope naapia, mboka haa ja nohaaji nohaa guanica omauucc agehe gelenga. Aantu ohaa nongonenacana taa ti: "Tala, oje ngui!" Olje ano ngoka inaa hala okukala elenga lja tja ngaaka! Oshoka elenga lja tja ngaaka Omuua Jesus ote li icana oljo omumati omunelago ngoka tu uuvanekelua natango elelo ljojindji. Kombinga jandje onda hala uulenga ua tja ngaaka. Ngoje oue shi hala uo?

Ihe oljo olje? Ongoje tuu omumati ngoka omudiginini nomunandunge? Ongame tuu? Tu tale Jesus nkene te shi popi.

Omumati omunandunge oha tonatele naua aapia nohe ja pe iikulja jauo pecimbo lju uuka. Oje iha nu je iha denge aamati naadike, ihe ohe ja sile ajehe oshimpuiju miinima ajihe. Oje ha kuca miipungulico iikulja nomizalo nohe di pe aantu je. Oje ha sile aavu naakulupe oshimpuiju. Oje ha gandja oompale niigandjua pomacimbo gajo. Oje ha leshele aantu je oohapu da Kalunga noha kongo mo ehalo ljo muua. Oje ha kala nombili naashiinda je, noha tegelele egaluko ljo muua guetu Jesus Kristus. Elenga ediginini oljo omupia guapia jaljo moku ja sila oshimpuiju.

Omumati omudiginini iha kala nonjalo. Oje ha longo ilonga ajihe mbjoka muene gue e ji mu uucila. Oje ihi ihogololele iilonga mbjoka iipu nenge mbjoka ja simana. Oje oha aadika a longo ilonga je ajihe naua nuudiginini. Omolua shoka muene gue e mu inekelele euuco ljeliko lje alihe.

Elelo ljoje olja tja ngini? Ngele ua ningi ngashi omumati omunandunge nomudi-

ginini ngoka a hokololua mpaka, nena to vulu okutegelela u peue natango omagano omape niilonga iipe ku Jesus. Nena ua ningi elenga lje. Ihe kotoka! Ngujaka a hokololua okua tameke okudenga aamati naadike nokulja nokunua nokukolua, naje uo okua li elenga en-ne. Omolua shike a tameke okuninga ngaaka? Okua li a vulua okutegelela egaluko lja muene gue; onkee okua pundukile muuntsa. Oje ina hala ue okujakula oojakuauo. Oje a hala je muene a ninge muene guapija oojakuauo. Okua ciki ko tuu kelalakano lje? Aaue, oje okua peua oshipeua she pamue na mboka inaa itaala. Oshilongo sha Kalunga oshi nondjila jimue ajike, moka omuntu ta vulu okuninga omunene. Ojo ondjila jejakulo. Ongoka a hala okuninga omunene, oje na kale omupija guoojakuauo ajehe. Kape nuusama, omuntu ngele a hala okuninga omunene, shaa tuu te ende nondjila ndjika ju uuka. Oshoka Jesus muene okue tu tetekele mo noha sile oonakuenda najo ajehe oshimpuiju note ja cikica. Kape nompito jilue ue okuninga omunene.

Nando ua tseja ua longo ngashi omumati omudiginini nomunandunge, natango tuu ou nokukotokela sha shilue uo shaa shi uuntsa auke. Uuna ndoka Omuua Jesus ta guedele omumati gue omudiginini omagano, oje te mu pe uo ilonga. Omagano iro ga peua omoluoje muene, aaue, oue ga peua u ga jakulice oojakueni. "Oshoka kehe tuu ngoka a peua oshindji, oje ta pulua uo oshindji, na ngoka a peua elelo ljojindji, ota pulua uo ojindji." Akutu, Omuua ngele okue ku longekidile oshilonga oshineze megongalo lje nokue ku pele oonkondo nomagano ngoka ga pumbiua musho, ihe ngoje oua kala po ouala. Muuheci uoje ino etela Omuua oshiponga sha sha, oje oti icana elenga lilue note li pe oshilonga shoka, manga ongoje ui ietele muene oshiponga, sho ua kanica ompito joje na siku limue omagano goje uo. ota-ku tiua, ongoje ua li nale elenga. Ihe oto ka jamukula ngini, Omuua ngele te ku pula, nkene ua longica omagano ngoka ue ga pelue? Oto ti pamue ino hala nenge oua li uaa nomukumo nenge oto njenjetele Omuua e to ti: "Onda njengua." Kotoka u tule omagano goje agehe moshilonga shejakulo, opo itoo ka njengua okujamukula.

Petameko opua tumbulua omadimbuluco mu ngoka to vulu okudimbulula omumati omudiginini nomunandunge. Ihe orgini, ngele itaga aadika mungame? Nena kandi shi ano omumati omudiginini nomunandunge. Oshipeua shandje oshini po ano? Nena ongame omupija guouala ngoka ta peua iikulja je esiku kehe kelenga lilue ljo muua. Oshilonga shandje osho okujakula oojakueta naua nuudiginini, manga tandi tegelele egaluko ljo muua guetu Jesus. Esiku ndjoka otali ka kala ljenjanju, ngele Omuua mokuja kua ta aada tue mu tegelele note tu kundu ta ti: "Jaloo, aamati ne aanelagol!"

P. A.

## PAULUS NA BARNABAS.

Milonga jaajapostoli 15: 39 Paulus na Barnabas otaa hokololua taku tiua:

"Ojo ja kucacana po e taa halakana."

Ando aantu jouala ja popiua ngaaka, ando otu uuvite ko. Oshoka uuntsa uomuntu ihau lueda oku eta oontamanana nekucacano. Ihe omboka taa hokololua mpaka, ojo aalongeli jOmuua ngoka "ina tuka sho kua tukua no ina sondjahi, sho kua hepekua" (1 Petr. 2: 23) na ngoka a lombuele aantu je nokua ti: "Opo mpoka ajehe taje mu dimbulula one aalongua jandje, ngele mu hoolacane" (Joh. 13 35). Paulus na Barnabas oja dimbululua tuu mpoka ojo aalongua ja Jesus? Ongini ihe otse, mboka katu cike nokuli pu mbejaka jaali, otatu dimbululua tuu otse aalongua ja Jesus?

Koombinga dimue otu nuupu okupopila Paulus na Barnabas. Paulus okua li naanaa mondjila, sho ina hala okucindikilua komujakuli ngoka a monika kee shi kuinekelua. Barnabas okua li uo mondjila, sho kua hala okudimina po Markus noku mu pa ompito a kambadale isheue. Ano oshu uuvitike ngaa, ojo sho ja tofoka noja ka enda kehe gumue nondjila je.

Osho tuu ngaaka natse otua topoka oluindji noojakueta. Osho uo ngaaka oongerki daakriste oda topoka. Oongerki odindji niimpaga ojindji noongundu di ili no di ili daakriste odo adihe oonzapo deshiniima shika: "Ojo oja kucacana po noja halakana".

Onaua, oshilongo sha Kalunga sho itashi halakana po, nando aakriste taa halakana. Omukanka guehupico oguo Jesus Kristus. "Oshoka kaku na ngoka ta vulu okudika omukanka gulue, oguo tuu nguka gua dikua, oguo Jesus Kristus" (1 Kor. 3: 11). Ihe muujuni muka oshilongo sha Kalunga otashi monika notashi talua maakriste. "Otse ezimba euanaua lja Kristus" (2 Kor. 2: 15) nosho uo "ontumuafu ja Kristus" (2 Kor. 3: 3). Ngele itatu dimbululua nuupu otse aalongua ja Jesus, nena oshilongo shetu itashi dimbululua uo nuupu. Johannes Omushashi okua palele oshilongo sha Kalunga ondjila moomuenjo daantu. Onkee ano oje ina tja: "Ongame ndi nokukoka", ngashi tse tue shi diladila oluindji. Oluindji otatu kondjele ania oshili nuujuuki neifupipiko.

Paulus na Barnabas inaa kala sigo aluhe ja topoka. Ndi shi oja njengua okukala ja topoka, oshoka etopoko ndjoka olje ehameke oomuenjo dauo. Paulus sho kua ti: "Uuinaji mbuka inaandi u hala ohandi u ningi. -- Ongame omuntu omukueji" (Rom. 7: 19, 24), pamue okua dimbulukua uo etopoko na Barnabas. Komapandja gEtestamenti Epe otaku monika, nkene Paulus na Barnabas oja pacana isheue ombili. Ihe osho itashi monika mo naua sha jela, ngashi ekucacano lja. Osho otashi kala uo natse. Omapuko getu oge uetike nuupu, manga aantu itaa mono mbala omaitedululo getu. Ihe mpoka kape nambudi. Shoka shi noshilonga osho shono, tu kale tu uuvite uehame, ngele tua ningacana. Uuehame mboka ou li po edidiliko tali tu hokololele, Jesus ote tu galikanene natango: "Ajehe opo ja kale jamue" (Joh. 17: 21). Etsikilo kep. 26.

OMUHANGENUA IHA SINDI.

Kiiguana ajihe aantu oja mono oondunge doka da tumbulua pashiuambo moshipalanjolo shetu. Oda hololua nokuli moshihako shepangelo ljoku Union. Ngele tatu tala mo naua, otatu mono mo etumbulo ljoshilatina: „Ex unitate vires” tali ti: „Mehangano oonkondo”, kokutja: ehanganotali eta oonkondo.

Onkee ano muujuni auhe aantu mboka je nomadiladilo ga gama kumue nenge je moshilonga shimue nenge je nelalakano limue, oja hala ja dike omahangano omanene ga kola, opo ja kuacacane jo ja popile oshinima shauo. Aahingi jiihauto oje nomahangano gauo, aaidiliki jiihcolica oje na gauo, aapopili jombili oje na gauo. Nokuli iilongo iinene oja hangana, opo ji uape okupopilacana nokuuvacana.

Muujuni muka uomahangano aakriste ojendji oja tameke uo okujuulukua ehanganolja tja ngaaka pokati kaajehe mboka je neitaalo limue. Oju uvite uudigu, sho je uete, nkene aakriste ja topoka. Oku nomaitaalo gi ili nogi ili, niimpaga ji ili noji ili. Na mboka uo jomeitaalo limue oja topolua koongamba diilongo nodomalaka. Oluindji kaje shacane nando.

Otu shi shi, etapoko lja tja ngeji inali za kehalo lja Kalunga. Egalikano ljomuua Jesus oljo tuu ndjoka, aalongua je ajehe ja kale jamue, ngashi He nOmuuana ojo jamue, nenge gumue nokuli. Eitaalo ljaakriste oljo eitaalo ljokuitaala ehanganoljaajapuki, ehanganoljomOmbepo Ondjapuki. Uukume mbuka otatu popiua komahala ogendji gomOmbibeli.

Unene oongerki oompe noonshona na doka di ikalela oda pumbua ehanganondjoka ljaakriste aakuaao. Oongerki oompe oda pumbua ekuatacano na doka da koko nokuli muukriste uado, opo di mone uo nkene di nokukokicua nokukolekua meitaalo nomuuanaua auhe nokujanda omapuko niiponga. Oongerki oonshona oda pumbua ekuatacano na doka oonene, opo di mone kudo epopilo euanaua nekuaco miinima ojindji. Oongerki doka di ikalela kokule naamuajinacana otadi pumbua ekuatacano ndjoka, opo daa kuatue komalimbililo nokuunje muuike uado.

Ngele tatu diladila ongerki jetu onkuaevangeli jopa Luther jokOuambokavango, otu uete ojo ji li po ompe, inaji guanica natango oomvula 75 okua pediko ljegongalo ljotango kOndonga. Ojo uo onshona, ngele taji jelekua noongerki doka di nomagongalo omacele nomacele. Ojo ji ikalela uo mokati koongerki doka kadi shi okualuteri. Onkee puua nomalimbililo, unene ongerki jetu oja pumbua ekuatacano lja kola noongerki oonkuaao oonkualuteri, opo tu uape okukokela meitaalo lju uuka nokumona ekuaco ljaamuameme jomOmuua.

Omolua shika ongerki jetu oje endelee uo okuninga oshiljo shimue shomehangano ljoongerki oonkualuteri domuAfrika ljo-kuumbugantu. Omusita omuuambo okua kala nokuli moshigongi shaljo. Otse otatu inekele tatu ka mona natango ekuaco olindji mehanganondika. Ngiika otali monika tango meputudo ljaasita, ihe komeho miinima iikuaao uo.

Ihe omeho getu sho ga tonatela ngeji ehanganoljaamuameme meitaalo, ogo otaga tala kokule shili. Natango nuumvo otua hala tu tume aatumua jetu koshigongi shaakualuteri jomuAfrika alihe tashi go-

OSHIGONGI SHOKUMARANGU.

Pomaha ogendji moshifo shika opua tumbulua oshigongi shaakualuteri tashi ka gongola ku Marangu, ku Tanganjika, pehulilo ljomumvo nguka. Opo tu uuve naua shoka tashi ti, otua pula omuhongi Alpo Hukka omapulo gamue, oshoka oje tuu gumue guamboka taa ji ko.

-Oshigongi shokuMarangu otashi gongala unake?

-Oshigongi shokuMarangu otashi gongala eti 12 - 22 lja November 1955. Marangu oshi li popepi nondundu ja Kilimandjaro ku Tanganjika jokuumbangalantu.

-Oolje ja hijua ko?

-Oongerki nomatumo omakualuteri agehe gomuAfrika ga peua ompito okutuma jamue. Omualu guauo ogu uucua: aatumua aajeuropa 21, naavaleluamo 45, kumue ano 66.

-Aatumua jokOuambokavango ojo oolje?

-Euilikongundu ljeEhanganotumo ljomuSuomi olju uuca Alpo Hukka. Epangelongerki ljongerki jokOuambokavango olja hogolola Leonard Auala, Jason Amakutuu na Efraim Angula.

-Otamu ka enda nondjila jini?

-Pamue otu nokuenda nomashina gokolutenda nomakambamba okupitila ku Windhoek noku Pretoria noku Rhodesia noku Kondeland, nkoka tua hala tu ka talele po zantu jetumo ljetu.

-Oshike tashi ka kundacania moshigongi shokuMarangu?

-Natango inatu tsejicilua naua, shoka tashi ka kundacania, ihe omapulo ngaa gi ili nogi ili goongerki domuAfrika, ngashi eputudo ljaasita. Omuprofesori Sundkler guoku Sweden ote ja okuhokolola oshinima shoka. Omubishofi Hanns Lilje, omuuikihapu guehangano ljaakualuteri jomuujuni auhe ota tegelelua a holoke ko uo, osho uo Dr. Lund-Qvist, omujakuli gue, Dr. Schiotz na Dr. Birkeli, mboka ja kala nokusila omatumo omakualuteri oshimpuiju, Dr. Meyer, omulongi moskola jokombanda mu Hamburg (Duisland), Dr. Fry guoku Amerika, nomusamane Moshi omusitagongalo

ngala mu November ku Tanganjika. Na Kalunga ngele te shi hala, aatumua jetu jamue otaa tsikile natango ja ka tsejacane naakuetu jomeitaalo kevi ljokokule. Otu neinekalo ndjoka, momalue endo ngoka agehe otamu ka za ekuaco nejambeko olindji kongerki jetu ajihe.

Ihe mokunjanjukilua ehanganoli cike mpoka otu nokudimbulukua oshinima shimue. Ehanganotali ti aluhe ekuacacano. Ngoka ta peua sha, ota tegelelua uo a gandje sha. Omunehangano kehe oku nokukambadala pankondo de okukoleka ehanganoljauo. Ngashi ongerki jetu otaji tegelelua ji umbe ongalo jokukongela omusitagongalo gumue ondjila jokuja koshigongi shoka shokuTanganjika. Ongoka a dimbulula ompumbue jehanganolja tja ngaaka, oje ota njanjukua, sho ta mono ngeji ompito oku li koleka kombinga je.

Ehanganoljaajapuki itali monika miigongi iinene ajike. Unene oljo oli nokukongua mokukalacana kuaantu nomushiinda she. Aakriste jopopepi ngele ju uvitacane naua nohaa kuacacana mombepo jimue, nena ojo oje li po omamanja ge nomuenjo metungo enene ljongerki ja Kristus.

guoku Tanganjika, ongoka tua tsakanene naje omumvo 1952 mu Hannover moshigongi oshinene shoongerki oonkualuteri.

-Otse otatu vulu ngini oku mu kuaca mondjila jeni?

-Ondi inekela otamu fala oshigongi shika momagalikaneno koshipala sha Kalunga, oje e shi uilike ashihe shi ningue pahalo lje, oongerki di jambekue kokugongala nkuka. Omagongalo taga tegelelua ga fute ondjila jomusita gumue omuuambo. Omolua shoka tapu hijua ongalo moongerki adihe esiku eti 21 lja Augustus.

-Jaloo, ngashingeji sho tua uuvu shoka shi li po, otua hala uo okukuaca pankondo detu. Komeho otatu tegelele uo tu uuve naua oonkundana domoshigongi sho-

AAKUALUTERI OJE LI PO OOMILJONA 80.

Aantu ajehe jokombanda jevi oje cike poomiljona 2,500. Aakriste ajehe kumue oje cike poomiljona 750. Ano aakriste ojo oshititatu shaantu ajehe.

Aakriste jopa Luther oje li po ngashingeji oomiljona 80. Mu Duisland omu nojendji, oomiljona 38 nokuli. Komavi omakuaao domuEuropa oje li ngaaka: ku Sweden oomiljona 6 1/2, ku Denmark oomiljona 4, ku Suomi oomiljona 4, ku Noorwee oomiljona 3, ku Hongarye 450,000, ku Oosterryk 400,000, ku Pole 200,000 nokii-longo iikuaao aashona je vulike ku mbaka.

Kiilongo ja hangana jokuAmerika ljo-kuumbangalantu (Verenigde State van Noord-Amerika) oku naakualuteri je vule oomiljona 6 1/2. Ku Brasilia, mu Amerika ljokuumbugantu, oku naakualuteri 470,000. Ku Australia oje li ko 60,000 ajeke. Ku India oku na 550,000 noku Indonesia, koontuntu dokuuzilo uAsia, oku na 600,000.

Omualu guaakualuteri jomuAfrika ngiika otatu ke gu uuva naua pehulilo ljomumvo nguka. aatumua jauo ajehe sho taa ka gongala komukunda gua Marangu ku Tanganjika.

EHANGANO LJAAKUALUTERI AJEHE.

Aakriste aakuaevangeli jopa Luther komavi agehe oja dike omumvo 1947 ehanganonenene ljokukuacacana noljokukumidacana.

Memengerki jokuSuomi oji li uo mehanganondjoka, nomolua shoka ongerki jetu uo oja popilua miigongi jaljo. Omuhongi guokOuambo Alpo Hukka okua kala uo lumue moshigongi sha tja ngaaka oshinene omutuumua guongerki jetu.

Ehanganoljaakualuteri ajehe otali longo ngini?

- Iilonga jaljo iinene ojo mbika: -
- (1) okufatulula elongo ekuaevangeli ljopa Luther;
- (2) okunjanjangidica omambo omakualuteri;
- (3) okuhumica komeho eputudo ljaasita;
- (4) okukuaca iiljongerki mbjoka ji li moluhepo nenge muupongo;
- (5) okukuaca aakualuteri mboka ja halakana mokati komalongo gi ili nogi ili;
- (6) okukuaca oshilonga shetumo shoka tashi longua kaakualuteri, Iilonga mbika iitano otaji longua ngaa-ka:-

(1) Ecimbo necimbo aanongo aakualuteri ohaa gongala okukundacana elongo ljaou Etsikilo kepanja 4

# OSHIKOLOLO SHOMEGUMBO



## OMIKALO DOMOHANGO.

Ukriste sho ue ja mOuambo, ouo ue etelele uo omikalo omipe do oopalacana nelongo Ija Kristus. Ihe omikalo omikulu daapagani inadi hala okusindika. Ekondjicacano ndjoka opo li li natango. Aantu ojendji otaa pumbua okufatululua naua omikalo doka do oopala.

Unene miituci joondjokana otamu holoka natango oshindji shoka inasi oopalela aakriste.

Onkee otua njanjukua, omusitagongalo Matias Kristian shokua hala okutatu u ila aaleshi Omukuetu omikalo dimue domoohango daakriste. Oje ote shi ningi miifo jimue taji landulacana.

Oshoka tu shi si, omuntu gumue ita vulu okufatula oshinima shika koombinga adihe, onkee otatu indile aasitagongalo oojakuauo ja diladile naua, ngele taa vulu okuguedela po oondunge da sha doka da pumbua natango. Nado uo otua hala tu di holole moshifo shetu. Unene otatu hija aasita jokUukuanjama no jokuuninginino je shi ninge, oshoka "shitunda nohedi, shilongo nomukalo guasho".

Omukuetu.

1.

## UUJAPUKI UOONDJOKANA.

Tangotango otua guana okucikameka omadiladilo getu mepulo ndika: "Etindi ljoondjokana oli li peni?" Mu Genesis 2:18 otatu lesa:

"Kalunga nokua ti isheue: Inashi opala omuntu a kale oje auike; otandi mu ningile omukuaci e mu opalela."

Tu uete mpoka ekota ljoondjokana olja diladilua ku Kalunga, ha komuntu jemuene. Maantu ajehe aalumentu naakiintu otatu ada mo egamo ljopandjokana, ihe oljo inali za mujo jene, aaue, olja tulua mo ku Kalunga.

Aantu ojendji ja fa inaa didilika uujapuki mbuka uoondjokana, ihe oje ja fa taje di talele mongundu juulunde. Moshikaha sha Kalunga otamu zi tuu sha shuulunde je e shi pe omuntu ando?

Onakuhokana kehe ota lombuelua pehokanico lje: "Oondjokana odo oondjapuki." Uujapuki uoondjokana oua kanene

peni ano, sho oonakuhokana ojendji taje di tala da fa oshinima shohoni? Otandi kumua sho oonakuhokanuakadona haa kala ja rgonzimana rikutala mevi esiku ljo-kuhokarua kuauo. Oja honipala koshike mbela? Isheue oonakuhokanamati oluindji oja kukutika omilungu onga mbaka ja jono. Omolua shike mbela? Aasimbakadona naasimbiki oje ja guana oku shi ninga, noje noku shi ninga nokuli. Ando pu kale ejooloko pokati koojdjokana dopahalo Ija Kalunga noondjokana dopahalo ljomuntu, opo uujapuki uoondjokana u holoke pujelele tau monika notau dimbululua ku a'ehe.

M. Kr.

(Moshifo tashi landula otamu popiua "Eigido ljoondjokana "noshu uo "Iinkumbi".

## IINJENGA . . . .

tele komeho, te mu fala megumbo ljonumba. Omukulukadi nokua ji mo nokua mono ko omugundjuka omumuhamed, a li po te ehamekua shili koondjo de. Enjanju ljomukulukadi sho a mono ompito jokuhokololela omunona ngo Jesus Onumangululi. ojla li enene shili Omukadona nokua taamba Jesus cmeitaalo Opo tuu mpoka omuenjo gue gu uda enjanju enene nokua li a hala okuendelela a ka hokolclele aakuluntu nzijanzija nke a hupicua. Omukulukadi okue mu kumagida a tegelele manga euco Ija Kalunga omegalikano.

Omukadona a ningi omasiku ha galikana nokua talele po omukulukadi ngu kui e mu fala ku Kristus. Esiku limue omukadona e mu pula: Ecimbo inali cikana nokuli ndi hokololele aakuluntu jandje Kristus?" Omukulukadi a zimine nokua ti: "Eeno, ihe ongame tandi ja pamue nangoje." No ja ji ihe.

Omukadona sho kue ja kuhe, nguka e mu taamba nenjanju nohoole. Ihe omukadona sho a tameke okuhokololela ehupico lje nokua tumbula edina Jesus, oshipala shomusamane sha lunduluka ihe. Mondjahi onene a kuata omuele nokue gu jeluca a dipage okamuana. Okacimbo oko tuu okuko kue kua kukuta ihe, oje no a njengua oku ku njenganjengica.

Omasiku ogendji omusamane osho a Etsikilo kep. 8.

## AAGUNDJUKA MBOKA TUE JA PUMBUA.

Aagundjuka jongashingeji oje hole okuitangela oondunge dauo. Eeno shili. oondunge nomajele ogo omagano omanene ngoka taga vulu okulongicua miilonga ja simana. Ihe esimano ljiilonga mbjoka itaji uucua paunene uomagano ngoka, aaue, otali uucua pamukalo ngoka ga longicua nauo. Ngele omunandunge ta longica oondunge de miinima iuanaua, nena oje a guana shili okusimanekua, ihe ngele te di longica muuinaji, nena oje omusama nomukolokoshi omunene.

Omulongi gumue omukuluntu okua popica oshigongi oshinene shaagundjuka nokua ti:

Kotokeni ku mboka taa tangua "aanandunge" nenge "aanamagano" nando inaa holola omikalo omuanaua jo inaa longa uuanaua ua sha. Satana naje uo oku noondunge odindji!"

Omuntu ita simanekua omolua mbjoka e ji na, aaue, oje ota simanekua omolu okukala kue muene. Noshu uo omuntu ita simanekua omolu omagano ngoka e ga peua, aaue, ota simanekua omolua ngoka e ga gandja. "Okugandja ku nelago komeho gokutaamba."

Ojendji otaa popi, nkene muujuni omu na ngashingeji olubepo luinima ji ili noji ili. Ihe shoshene shoka sha pumbua kashi shi iinima iuanaua, aaue, osho aantu aua-naua. Otse inatu pumbua aantu mboka taa itanga, aaue, otua pumbua mboka taa igandja.

Omulongi omukuluntu ngoka tue mu tumbula nokuli, okua lombuele uo aagundjuka mboka nokua ti: "Oluindji onda halucua kombepo ndjoka nde ji mono mune. One omu hole okumona omapuko maantu, nomua hala oku ja tamaneka noku ja kondjica. One omua hala ndi shi okuhuma komeho, ihe mua fa tamu dikua ku sha meni ljeni. One omua pumbua okumangululua moomango odindji domeni."

Aagundjuka oje noshilonga oshinene shoka ta shi ja tegelele. Oje ji icanua okutsikila oshilonga shomapii gonale. Kehe omugundjuka oku nokuilongekida naua, opo a uape okuguanica naua okambinga ke moshilonga shoka oshinene. Oje ote shi vulu, ngele ti igandja ku Kalunga a longicue kujje. Ehalo Ija Kalunga nali kale euuco lje, opo oshilonga she shaa je pombambo.

Otu nokugalikanena aagundjuka jetu, opo ja uape okulonga oshilonga shauo naua, je tu vule. Otu noku ja indilila eitaalo muujuni mbuka ua hala okukanica eitaalo lja-uo. Otu noku ja indilila omikalo omuanaua muujuni mbuka u nomikalo da jonuka. Otu noku ja indilila ohoole muujuni mbuka uaa nohoole. Otu noku ja galikanena, ja mone oonkondo okuhumbata omishigakano dauo muujuni mbuka hau dini omishigakano notau kongo esimano lja-uo uene.

Otatu pumbua aagundjuka mboka je li po "aalongi pamue na Kalunga", ngashi omujapostoli oti ipopi mu 1 Kor. 3:9. Ngele tatu ja mono koonkondo da Kalunga, nena otatu vulu okutaalela komeho tu nomukumo nokitegelele omasiku gelago.

(Pashinjolua sha holoka mu "Die Burger".)

# Oshikololo shaagundjuka.

## OMAFATULULO.

gomafano goshifo sha April no sha Mei.

1. Omujengeli ti ihololele Maria. Luk 1: 26-38.
2. Aalongua ja Jesus taa polola omaha esiku ljesapati Mat 12: 1-8, Mark. 2: 23-28, Luk. 6: 1-5.
3. Judas ta gaaaleke Jesus. Mat. 26: 47-50, Mark. 14: 43-46, Luk. 22: 47-53.
4. Ejoka ljosshikushu 4 Mos. 21: 6-10.
5. Aaisrael taa tokola Etuta Etiligane 2 Mos. 14: 19-22.
6. Petrus na Johannes taa aluda oshilema Iil. 3: 1-8.
7. Jesus ta shashua Mat. 3: 13-27, Mark. 1: 9-11; Luk. 3: 21-22. Joh. 1: 31-34.
8. Omujengeli ta tsejicile aasita okuvalua kua Jesus. Luk. 2: 8-12.
9. Omukiintu omulund- mondjugo jomufarisaji Luk. 7: 36-50 nenge Maria ta guajeke Jesus Joh. 12: 1-8.

### O majamukulo

ga ciki po ogendji shili, ge cike po 44. Mugo 36 ogomafano agehe 9. Jamue ja mono omafano 10 nokuli, oja jalula mo efano lja Maria Magdalena pombila ja Jesus, nando lja li mepandja i iii. Efanondjoka lja li ljeokololo „Jesus e nomuenjo.” Oshinjanganjido sha dimbua po onomola jefano etitano moshifo sha Mei. Shoka uo sha limblike aajamukuli, ndi shi. On'ke inatu jalula oshiponga, nando jamue ja fatulula omafano 10, shaa tuu omajamukulo gu uka. Ihe tatu gandja oondjambi ndatu adike onke hajehe mbo ja jamukula naua, taje ji mono, nando inaa puka nando. Otse notua umbu oshihogololico mokati kaamboka kaje na nando epuko, jo no inaa dimbua uo okutula po ehokololo mpoka li li.

Mboka jatatu ja mono ngeji okandjambi kauo ojo:

Teodor Namandje, Onjaanja  
Viktoria Muahafa, Ongandjera  
Rauna Levi, Oniipa  
Ajehe mbaka taa peua  
NOTE BOOK 1/6

Enjanju ljeni oljetu uo.

Tatu igida tatu ti:

Jaloo, jaloo, ijaloo!

Na one jalue mua jamukula naua, one mua mono ondjambi jenjanju ljokutseja. Enjanju ndjoka etoje shili. Shaa ngoka e li makela, ote shi zimine. Nangoje uo ngiika ue shi dimbulula sho ua li to kondjo nejalulo edigu andola navulua lje ku fatukile, ngoje u uvite shili uutoje meni ljoje. Nangoje uo tandi ku pandulile ejamukulo ljoje shaa nkoka u li!

Omujakuli guoshikololo shaagundjuka.

N. B. Jamue ja tumu uo omajamukulo komapulo moshifo sha Mei, Ojo inaa dimbulula nani, kutja, omajamukulo gago opo ga li moshifo tuu shoka nokuli, oga njanjangidua noondanda da pilikua.

## PAULUS NA . . . . .

Omutondi ota halakanica po. Ombepo jopantu ji hole uuntsa otaji tu kucacanica po. Ihe Kristus okua hala e tu gongele kumue "ngashika ondjuhua haji gongele uujuhua uajo meni ljomavava gajo" (Mat. 23: 37). Otse otue shi hala tuu shon?


Toivo Laurmaa,  
omusitagongalo guoku Suomi,  
omuna guanakusa kuku Amutse.

## MUTALENI NAHENDA.



1. Mutaleni Nahenda a li okanona ka cigua ku jina manga ka li okashushu. Mombete jeso jina okui icedulula. Mokusa kue okvia tenteke iikaha okamuana nokue ka laleke nuujamba. Okanona no ka taambua ku jinakulu omupagani, oko ka putukile.

2. Esiku limue Mutaleni a mono ejoka Oka njengua okuja ontuku no ka lika ihe kuljo. Okugulu kua tameke okuzinda.



3. Jinakulu e ka fala konganga no ka pangua kuje. Onganga okue mu shata, okugulu kua zinda noonkondo, oshilaio osha'oolo.

4. Mutaleni ka kuutumba komuti ka jemata. Oka tila okusa. Okanona kopu ushiinda ke ja oku mu talela po nokua ti: Tate sho a lika kejoka a ji konasaresa, oko a pangua a aluka.

## ODI LI PENI METESTAMENTI EKULU?

2.

Mpaka ope na isheue oohapu dimue domTestamenti Ekulu. Ngele u di shi mpoka di li, tu njolela u tu tumbulile oramata nontopolua nuutopoluagona (nokutja "overse"). Ejamukulo ljoje oli noku tu aada, manga omuedi gua September inagu hula. Oadresi jetu ojo: "Omukuetu", Oniipa, P. K. Ondargua, S. W. A.

Mua mboka ja jamukula naua otatu hogolola noshihogololico jaali mboka taa peua Ombibeli moshindonga omagano.

Oohapu doka di nokukongua odo dika:

"Olje e netakumo, olje e nelilagano?"

Nolje e nomaludi, olje e nomeemato?"

Nolje e noombole, 'je inaa jona sha?"

Olje e nomeho omanenguni?"

Omboka, haa uhalele pomavinu,

haa ja okumakela omaguedakanicua.

Ino tala omavinu, nkene ga tiligana,

nkene ga talika g'oopala moshitenga

no taga kulukile mo mbala.

Navulua taga ljana ng'ejoka

no taga hiji mo uuzigo ong'ongoloka.

Omeho goje taga tala ko iihuna,

nomuenjo tagu popi iinima, ja gojoka.

Ongoje e to kala ng'omuntu, ta lalele meni ljefuta, eeno, ongoka ta lalele kondungu jomuti guetemba ljomomeja.

Ojo ja denge ndje, inaandi alulua; ojo ja kepagula ndje, kandi iuuvite sha. Unake te papuduka? Otandi ke ga kongulula."

## IINJENGANDUNGE JA KALUNGA JONGASHINGEJI.

Ngiika ua adika ua uvu aamuhamed neitaalo ljauo Islam? Ojo aatondi juukriste. Kaje shi kutedululicua nuupu nando nando. Ihe evangeli oljo oonkondo da Kalunga, no koonkondo tuu doka maaislam uo mu na mboka ji itaala Jesus, Omukulili, nando aakuauo haje ja tondo nokutondelela.

Omukulukadi gumue guomu Damasko -oshilando shoka tue shi tseja mOmbibeli mehokololo ljeitedululo lja Saulus -- okua eca eitaalo lje Islam nokua taamba Jesus Omukulili gue. Esiku limue, uusiku, sho kua li ta galikana, okua mono emoniko. Omujengeli ongoka e mu lombuela a ti: „Landula ndje!" Omujengeli nokue mu kua-

Etsikilo kep. 7.

# OKAANDJETU

"SHOKA ALI ETU NINGILE."

## EF AFO MEDU LOVAUAMBO.

Omatiku aa medu letu lovauambo omu na elaka linene tali udika keembinga adishe no tali hafifa omuambo, olo efiko l'Ombibeli medu eli letu melaka loshiuambo. Oku na paife elinjengo mu keshe umue e li monene Ombibeli. Umue a tumbula, otiji fiinge nda nangala, tashi ti ote li hepeke shili e ji mone. Inandi shiva ngenge oku na ou e he na ehalo olo okuli likolela Ombibeli. Pamue pe na ou ta diladila ohandi ji lande shike? Epulo latja ngaha tali tula vahapu moushima va ha lande Ombibeli. Fje otu shishi onjuni ou na ondilo kombinga joidjalomua, olje e li po ta ti omidjalo odi nondilo nandi kale hamuhele, ndi shi eshi itashi ningua, keshe umue ote li hepeke a mone oshidjalomua mondilo jasho. Ombibeli ojo omudjalo munene tau pumbiua shili komukriste keshe. Kalunga e tu kuafa nokuli tu mone Ombibeli noupu, i dule okumonika nokomusoona, inatu telala nokuli ondado i kale ifike 5/6. Onda kundana nokuli Ombibeli eshi ja holoka luotete melaka lovasuomi oja landua ondado ojo haji landua okakambe, ile a lande po epja laje alishe a mone Ombibeli.

Ohandi li nekele jo mehafo e li tu li kuete paife l'Ombibeli. Omua holoka jo epulo linene movakuanjama okupula Ombibeli otaji holoka naini melaka loshikuanjama? Onaua epulo eli nge tali kala momuenjo uomukuanjama e na Ombibeli meke laje, opo ehala lokupula onaini taji holoka li kole shili momopo jomailikano. Omueene ote shi tu ningile. Tu tumbuleni pamue nomu Ps. 37: 4 Hafela mOmuene, oje ote ku pe eshi omuenjo uoje ue shi hala.

I. Ninda.

## ECIGACANO LJOKULANDICA OMUKUETU.

Aasindani jomaalandici jOMUKUETU, ano mboka ja landica iifo ojindji je vule oojakuauo no je ji futu uo nokuli, ojo mbaka: ONDJAMBI JOTANGO taji peua SIMON IJAMBO, ONGANDJERA, okua landica iifo 111. Ota peua £1.10.

ONDJAMBI ONTIJALI oja Josafat Kustaa, Luderitz, okua landica iifo 80. Ota peua £1.

ONDJAMBI ONTITATU taji peua jaali, ojo MARTIN NUUJOMA, USAKOS na DAVID SHIKUSINDE SWAKOPMUND, ojo ajehe jaali ja landica iifo 80 Taa peua 10 sh.

Jatano mboka taa landula ojo mbaka: Josef Haikela, Ombalantu Samuel Ndinoshisho, Andreas Iitula, Ongandjera. Sakaria Josef, Olukonda Filippus Shaanika, Ongandjera Ombaka taa peua omambo.

Ope na jamue ja landica iifo ojindji je vule mbaka ihe inaje ji futu natango, onke inaa uapa okujalulilua mecigacano. Ojo mbaka

Andreas Mungungu, Endola, iifo 188 Josef Shifeta, Ongenga, iifo 164

Johannes Muatotele, Ohalushu iifo 100

Amuhe mboka mui ihepeke moshilonga shika shokutaandelica oshifo shetu, otatu mu pandula shili noonkondc JALOO! NDA-NGI! Omua Kalunga omunankondo ote ke mu jambekela eihepeko ljeni.

Kundueni nomapandulo ogendji ku OMUKUETU.



### mUukolonkadi:

Simeoni Kanime a si 54.  
Verner Uusiku a si 6. 3. 54.  
Jonas, Jakob a si 2. 3. 54.  
Abraham Jakob a si 6. 3. 54.  
Linus Nashilongo a si 10. 10. 54.  
Titus Kapolo a si 25. 4. 55.  
Helivi Tegelela Shimoshili a si 17. 4. 55.  
Salma Jakob a si 18. 5. 55.  
Saima Taapanga a si 22. 5. 55.

### nOkatope:

Niemi Hamukuu a si 5. 1. 55.  
Lisa Sakaria a si 23. 3. 55.  
Jakob Kauvi a si 21. 4. 55.  
Viktoria Kaleinaso Simon a si 25. 5. 55.  
Elise Mukae a si 23. 5. 55.  
Efraim Vilho a si 26. 5. 55.  
Elisabet Sekupakela a si 3. 6. 55.  
Elifas Sinana a si 13. 6. 55.

### nOniipa:

Kristof Tomas a si 13. 1. 55.  
Jason Antanga a si 2. 6. 55.  
Joel Elago a si 9. 4. 55.  
Helena Nangombe a si 5. 5. 55.  
Lidia Josef a si 10. 5. 55.  
Hofni Haufiku a si 8. 6. 55.  
Abraham Samuel a si 24. 6. 55.  
Rosalia Eelu a si 24. 6. 55.  
Anna Matzus a si 27. 6. 55.

## OONKUNDANA DEPANGELO-NGERKI.

### Epukululo.

Moshifo shetu sha Juni mua li mu nepuko sinaji moonkundana depangelongerki. Mua njanjangidua kutja oshigongingnerki tashi ka gongala potundi onti 1, ihe otashi ka gongala POTUNDI ONTI 10.

## AAHONA AANENE.

Sy Edele Dr. H. F. Verwoerd, Minister van Naturellesake, en Sy Edele D. T. du P. Viljoen, Administrateur van Suidwest-Afrika, het Ovamboland besoek. Ajehe jaali oje ja pamue naakulukadi jauo naajakuli ojendji, kumue ando aajenda 20. Oja endicua komadila gaali omanene.

Aajenda mboka aanene oja kala mO-uambo omasiku gatatu, 26-28 juli. Iigongi iinene jaantu ojendjiendji oja kundu aajenda: shimue mOndonga, shimue mOukuanjama na shimue kUuninginino.

Moshifo tashi ja shOmukueto otatu ka kundana iigongi mbjoka nkene ja li.

Eti-29 lja juli aahona oja ka talela po aakavango.

Omuheluki kehe, posasiona ja Grootfontein omeshina nenge omekambamba okua pula: „Nakuafila oku li peni, opo tu uve kuje tatu ningi ngiini niinima jetu.” n. sh. t.

Kuume kandje, ngoje ngele ino shi uva natango onda hala nduno ano ndi ku tsejicile pafupi shoka sha ningua po.

Eti 4, 7, 55 oljo tua li tua lalekacana naje, sho ta ji kefudo kOndonga, no tua li tui inekele tatu ka monacana konima jiiivike itatu mu Grootfontein isheue, nani hasho ue.

Eti 14, 7 elaka ljoluhodi lje tu aada, peha ljelaka ljenjanju. oljo tuu ndjoka lja ti: „Simon Nakuafila a tsuaa okusa” „Akutunel” atuhe osho tua ti, moluhodi luetu. Omadiladilo gojendji ga matukile kiilonga je jejakulo a li najo.

Oje okua li ke nomangungutulo, shoka ua pula okue shi ku lombuele naua.

Eputuko lje. - Manga a li okamati (okagundjuka) okua jakula omusamane V. Alho pOlukonda na okOnajena uo, moku mu hingila okatempa ke koongombe.

Monguediva a longua mo uo, okutseja ondjila jomuenjo nojiilonga jomake. - Pokati komimvo 1949 na 1950 okua taambelua miilonga ja olutenda, okukuaca aauambo pokati ka Ondangua na Grootfontein, moka a kala sigo ongashingeji (eti 13, 7, 55).

Mu Grootfontein a jakula aajamba naafupi uo, kena omangungutulo. - Oshilonga sha tja ngaka oshi shi ku mu dimbulukica ku mboka a li e shi ja ningile.

Ehala lje ngashingeji li li ouala, ngashi a li e li aadele, neui lje kali uvitike ue.

Shoka tashi indjipaleke oluhodi luetu unene osho tuu shoka sho tatu diladila, a fa a kanica oombuto a li e di kunua meputuko lje, opaahongi (poongulu dauo) na omOnguediva moka a pelue oshindji shokomuenjo, nokutja okukala ngomukriste lela megongalo lj' Omua.

Kandi shiuo, ejakulo lja tja ngaaka lja fa lje mu hili po pumbjoka jokomuenjo. Mejakulo lje ljopalutu a li e li tu ningile nohoole, opo tuu mpoka tu noku mu dimbulukua oluindji.

Shika nashi tu longue uo, ongame nangoje. Ngele tatu jakula jakuetu, Omua Jesus na kale po uo, mejakulo ndjoka. Oshoka oje te ke tu jakula muukuaaluhe.

Kalunga na fudice oluhodi lua iina. E. Amadila.

## OMBIBELI OJE JA KUUNINGI-NINO.

Oombibeli dotango ode ja kuuninginino esiku eti 11 lja Junie. Petameko lja Julie omagongalo agehe oga topolelua omambo gamue. Esiku eti 9 ji Julie aantu oje ndji oja gongalele miituci jetumo nojOmbibeli momagongalo agehe. KoTshandi aakriste 25 oja mono Oombibeli dauo esiku ndjoka. KoNakajale omalenga agehe gane ga kala melongelokalunga, nokonima jaljo elenga kehe olja peua Ombibeli omagano. Omambo 42 oga landicua po. Natango aantu ojendji oja soluhodi, sho inaa mona Ombibeli. KOnesi kua landicua Oombibeli momandaha eti 11 lja Julie. Akuhe aantu oja njanjukua, sho ja kundana ofuto jOmbibeli ojo 5/6 ajike. Omambo ogendji otaga ka landua natango, shaa tuu taga monika.

## SHITLANGU.

o m u n a g u o k o m b a n d a

Lja njolua  
ku  
Andre de Clerc  
na  
Edoardo Mondlane

Lja lundululua  
ku  
Hosea Namupala,

Etsikilo.

Manga tatu matuka tu tsakaneka ngoka ta mono iihuna. Majeriman okua ti:

- Oonjushi, oonjushi. -  
- Openi? -  
- Omomututu ngo guomuti. Kamu di uete! -  
- Katu na tuu elago! -  
- Otatu kuca mo omagadi ngiini? -  
- Otanu ka mona - Majeriman osho a

jamukula - Kape na shoka tashi vulu oku tu keelela, nando opu kale omambonzi ngeja omanene. Mapatulana, matukila kegumbo ku njokogona ngu ompulile u ka tale omulilo. Ngoje Shitlangu konga omuiidi omukukutu niikuni mbala. Otatu ka temeni omulilo. Nandulujana ngoje ikongela ekuja mbala.

Mapatulana okua galuka nomulilo tagu tsina. Okue ja eta ts'ehunda pooha domututu. Okua tula omulilo pevi, nokua tula po mbalambala omuiidi noshikaha shimue, noshikaha oshikuauo okua tula po iikuni. Oshipala she osha kukuta nokua fudile makala nombili. Omakala gomulilo noga penduka.

Omulilo sho gua huama, otue gu siikile nomuiidi omutalala. Oluici olutiligane olu uka mekota.

Oljo nee ecimbo okuijetela ekumbu ljoonjushi. Nandulujana okua hahala omadengo gamue pomututu pekota, nekuja lje. Oonjushi noda dimunua koluici noda tameke okuinjenga.

- Shitlangu, kuca okati ka taasinua kombinga eto ka tsu komututu. -

Onda ji moshikogo sholuici. Zoo!, Zuu! Zuu! Oonjushi dimue komagulu dimue momutse - iita! Onda kuata ihe pekota mpoka pu nezi. Onda ninginica okati. Olje e na nokulika, ngame onda za mezimo efule. Ookuume kandje otaa mono sho he ningi. Konima jokacimb onda zi mo moshikogo sholuici nokati moshikaha nonda gandja oshihakanua shandje ku Majeriman omukuluntu guetu.

- Ongoje u li po mpoka guondema. -

Ombinga jimue jokati oja siikilua komaji ihe kape na ngoka e na nago. Majeriman ngoka e hoole uutoje okua kuca ko oshipambu oshinene. Otse notua taamba oshihupe nombili oshoka otse aashona. Nandulujana a kala po huepo, oti itula ihe omafo gomudime, nota longica omagadi goondjushi ongomuti. Omagulu gandje noringo oja zinda, ihe ongame omusitalela. Osho ndi nokukala ngeji.

Ihe esiku ndjoka olja hulu nepiagano. Sho tua mana oonjushi, otua dimbulukua iimuna! Onzizona jandje oja ji peni, oonzi oonzinzi, econa Kapokolo niikombo?

Inamuenjo ajihe ja ji! Iihuna!

Okahahe hono ka kondeka etapa ljetu, oka kuatelela mo uumukunda umue uomagumbo ogaali noogatatu kehe kamue. Mpaka kape na iihua ope na ouala ompungu ga ziza, ngo gaa holike kiikombo. Elundu huepo!

Majeriman okua kongo omakondo pevi. -Ogo nga! Okua matuka a tananekela omeho pevi. -Ogo nga! Ogo nga!

Nandulujana okua landula oshinkoti shiili: - Ojo mbii ji li moshikunino shimbakuna. -

Otua kuca uutaji nuuti notua daadiga iimuna jetu Su! Su! Zeni mo!

Otua denge mo iimuna jetu mu limue ljomomapja ngoka gotango giikololo nuudigu uunene; sho pua piti okacimbo oshikunino shomakunde otue shi kondo uo. Manga inaatu koneka epja sho lja lika naji otua li tu shi otua za mo nuupu. Omakondo giimuna jetu otatu ga kuca po ngiini? Omakondo nenge oshinkoti shiikombo kumue noshetu otashi tu landulica.

Onda dimbulukua meme okua tile esiku limue ngele omuntu te ende nompadi ja gonjua ota piaganeke aalanduli je. - Otatu vulu uo natse okuhunuka ngele tatu ende luanima meuvacano. Onda icana Majeriman: - Eta oshitaji shi nomafo tu kombe po iinkoti, notatu vulu okugaluka kuusita tatu ende luanima koombinga adihe. -

- Onaua. -

Otua ji kegumbo inaatu mona ue uudigu. Omukunda aguhe ogua li gua tja cilu. Ekakaua ouala tali lili ecimbo necimbo - kuaga, kuaga. -

Tadi tsikilua.

## EHANGANO

Ojo otaa tuminua uo kiilongo niilongo okulonga aasita naanaskola jokombanda elongo ndjoka.

(2) Ehangano ljaakualuteri ajehe otali njanjangidica notali lundululica omambo ngoka taga koleke elongo lju uuka nenge otaga hokololele aantu uukualuteri.

(3) Ehangano ljaakualuteri otali tumu aakonakoni okutalela po ooseminari daasita komavi nomavi. Aaputudi jaasita otaa kumagidua ja humice omaputudilo gauo komeho. Aaputudua otaa kongelua oompito okulungua nokomapatudilo gokokule. Aasita mboka ja japulua nale, otaa longekidilua omapukululo getsikilo.

(4) Ehangano ljaakualuteri otali gongele iimaliua miiljo jaljo ajihe. Iimaliua mbjoka otaji kuacica oongerki doka da hepa unene nenge oonkuauo doka da tembudilua kiilongo omolu iita. Oongulu otadi tungicua peha ljadoka da hanagulua miita.

(5) Komavi ogendji oku naakualuteri aashona jouala mokati kaakatoli nenge kaakriste jalue. Oluindji aakualuteri mboka oje li moocina oonene nomomatidagano nokuli. Ehangano ljaakualuteri ajehe otali kambadala oku ja popila noku ja tsomukumo noku ja tumina omakuaco gi ili nogi ili.

(6) Ehangano ljaakualuteri ajehe olja suupenda shili miilonga jetumo. Aatumua aanduisi sho ja tidua kiilongo jimue pecimbo ljiita, ehangano ljaakualuteri clja tumu aatumua jalue peha ljauo. Omatumo amaakualuteri oge na ngashingeji euuvacano evanaua miilonga jago ajihe. Aatumua jokouambo nojokOkavango uo oja tuminua pecimbo ljiita omakuaco omanene; onkee inaa njengua okutsikila iilonga jauo, nando ondjila jokuSuomi oja li ja teka po manga.

Oshigongi oshinene shokuMarangu osha hijua uo kehanganu ndjoka nosha diladilua shi koleke iilonga jetumo koombinga noombinga ku Afrika.



IHIKOMUA.

Moshifo sha Junie omua popiua omaui noonote. Otu shi shi, aantu oja hokua omaui go oopala. Ngoka goromakana gauo jene inage ja guanena; oja pangele uo iihikomua ji ili noji ili mbjoka taji vulu okugandja omaui ngoka ga halika.

Aauambo uo oja kala je niihikomua jauo. Okambulumbumbua otaka hikua kongodi jako. Omankuma noohija otadi hikua nokufudila mo. Oontunda otadi hikua nokudenga niikaha, nomalimba guushandja o sho taga hikua uo nominue.

Iihikomua ajihe jomuujuni auhe otaji vulu okutopolua moongundu doka ndatu: iihikomua joongodi, niihikomua jokufudila, niihikomua jokudenga,

Miihikomua joongodi omu na tango okangundu koofijoli. Mudo omu nokakeka ka hongua nuunkulungu, nokombanda jako okua mangelua oongodi ne doocipa da pama. Odo otadi hikua niifufu jomomushila guokakambe ja mangelua kokati. Ofijoli jone oji nuule uokuoko kuomuntu, ihe ope na uo omafijoli omanene ge vule oaucika guomuntu muule. Oofijoli oda tumbulua melundululo lja Dan. 3:7,15.

Oshiketala itashi hikua nokati. Uungodi uasho ovo uundalate notau hikua nokunjata noonjala. "Okahumba koziteri" nkoka ka tumbulua mepsalmi 92:4 otaka hikua uo ngeji, nando oke nuundalate ouindji u vule uoshiketala.

Okaharpa otake tumbulua momapsalmi ogendji Tala Eps.81:3; 92:4; 108:3; 150:3. Mepsalmi 57:9 oki icanua "okaharpe"). Oko otatu ka mono uo mefano ndjoka li li petameko ljoshinjolua shika. Okookale ke cike pomucika guomuntu noke nuundalate ouindji. Otaka hikua noonjala domuntu noke neui ljo oopala shili.

"Piano" osho oshikeca oshinene shi nuundalate meni ljasho. Omuntu ita gumu kuuo noonjala, ihe ota hikica uhamala uushona.

Iihikomua jokufudila oji li po ji ili noji ili. Omankuma ngoka taga popiua mo mbibeli pehanagulo lja Jeriko nopalue uo opendji, oga li ngiika ooniga diijamakuti ngashi omankuma gaauambo uo, ihe nopecimbo ndijaka aantu oja tseja nokuli okuhambula uo omankuma goshikushu nogiitenda ji ili noji ili. Ogo otaga monika ngashingeji omaludi ogendji. Ngoka omanene oge nomakana ge vule oshijaha shokuijogela.

Oohija odi li po uo di ili nodi ili. Dimue odiiti oonkuauo odiitenda; dimue onshona kadi vule omunue guomuntu muunene, oonkuauo oonde di vule uile uokuo-

OOMBIBELI DA PU PO MANGA IHE TADI JA NATANGO ODINDJI.

# OUNJUNI TAU TONGO SHIKE

Unie.

Okulesha moifo jeehgundana otua uda ongalo jompepo mu Unie momuedi Junie ngashi:

Odula ja fudila amuenjo moimeno ini. Ndele oluteni ola li natango peeñele dimue.

Peeñele dimue moitukulua jomoumbuuañu odula oja eta ekuafu. Moifo okua tiua odula otai ka eta ekuafu linene moimeno i ha fje. Peeñele dimue oja loka. Peeñele dimue oluteni li li po ratango.

Oshikungulu osha hulifa oluteni peeñele dihapu. Omepo joshikungulu nodula jomuaue oja loka moshilongo nopeñele dihapu oluteni lidju ola teua po novanamapja otava tuikile ekuno lavo. Meni lohilongo sha Union omua hangua komukolo motu omepo eshi ja talala. Moitukulua aishe omua li mu na dikanguamume neendjila ka kua li di shi okuendua. Nepuopo loimuna motu dikanguamume ei ja li kombada jedu okua li la tilifa.

Ounjuni aushe,  
Omalakulo.

Omuvalu uovajuda ngashi ua janjua kovajuda vovene ovajuda ova ve li mounjuni aushe ovo 12.000.000 mavo 105.000 ove li mu Suid-Afrika.

Owa India. Epangelo la India ola popja omalongelokalunga aa e li mulo Papopjo eli omuvalu ovakriste medu lavo ovo 8.246.817. Moshiana ashishe eepresenta 85 (85 mefele kese) ovahindu na eepresenta 10 ovamuhamedi.

ko. Moshija odindji omu nokanima ka hongua ka felaka. Omufudo guomuhiki sho tagu ka njenganjengica, otaka gandja eui ljo oopala

Oomvula dika aauambo oji ilandele uo uuhumba umue hau icanua "uufilita". Ouo otau kuatelua komilungu domuhiki, ngoka ta fudile muumbululu mboka u li mo kombinga nombinga.

Ihikomua jimue jokufudila itaji hikicua omufudo guomuntu, ihe oji nomupepo guontumba nenge guongandi. Omupepo guongongi otagu pepelua niikaha. Ombepo ndjoka taji zi momupepo otaji njenganjengica omalaka ngoka ge li muumbululu, ogo notaga lili ihe. Omalaka ga tja ngaaka oge li uo muuhumba mboka uunene tu u na mooskola nomomagumbo uo gamue ihe omipepo dauo otadi pepelua nokuljata.

Moongerki daatiligane omu nuuhumba uunene noonkondo tau pepelua koonkondo dolusheno. Ouo ou uuda oohija di ili nodi ili, kehe jimue ji nelaka ljajo tali lili mo. Oohija doka otadi vulu okukala mo omajovi ogendji mokahumba kamue.

Ihikomua jokudenga ojo ojomaludi ogendji. Oontunda dimue otadi lundululu omaui g-do pauco ljomuhiki. Oogendjo di nomau ga landulacana maua odi shi kuhikua naanaa ongokahumba. Aatiligane oje na uo oshinima sha fokashandja kaauambo no tashi dengua nuuhamala uoshiti. Omalimba gasho ogo uuti nenge uutenda. Moongundu oonene daahiki juuhumba ohamu kala uo mboka taa denge ijaha joshikushu niitenda jouala.

Dr. Badenhorst mu Sendinginstituut, Wellington, okua popja eshi tashi landula apa:

Eepresenta 33 dovakuauunjuni 2. 057.407.000 odo ovakriste. Unue mu keshe vatatu oje omuprotestante (omuevangeli).

Mu Afrika omu na ovapaani 86.000.000, ovamuhamed 50.000.000 novakriste 22.000.000.

Eepresenta 40 demovakristeovaprotestante. Mu Suid-Afrika omu na ovabantu vehe fi ovakriste 3.800.000.

Elundululo lOMBibeli.

Ombibeli aishe oja lundulululu macmalaka 206.

Etestamenti omomalaka 260 nomambo amue 618. Omalaka oo oitukulua jOMBibeli ja uapalekua mo oku fike 1084.

Oshi uetike naua kutja momadu okatolika ngashi Spanje na Belgia oku na oudju okukonakona Ombibeli noku i lundulula shashi ongerki onguakatolika otai kelele unene elundululo netandevelfo lOMBibeli.

Ongahelipi ovatiliane ve ja okukala mu Suid-Afrika? (Etuikilo)

Vasco da Gama,

Eshi Bartholomeus Dias a mona ehulo la Afrika opa pita eedula omulongo nde natango ohamba jovaputu ka kua li ja hafa osheshi ondjila jomefuta jokuja ku India inai monika. Oja tungifa eeskepa natu nde kufa Vasco da Gama a kale omukuluñu uo shieendoskepa osho. Ovakuashilongo avesho ove uja ketulilo okutala nge eeskepa tadi jinovafitaongalo ova ilikanena ovaen dituta a va va aluke naua. Ovalikadi nounona okua li tava lili shashi ka kua li ve shi ngenge otava aluka tuu. Vasco da Gama okua li a tokala kutja ita aluka nande ovashingi nava ngongote manga ina mona ondjila jokuIndia. Eeskepa daje oda li di dule da Bartholomeus Dias ndelene okua li dinini kukondjfa oikungulufuta. Oskepa keshe okua li i na eembodje natu nokombada kofaila oku na omishajakano ditiliaana da hondjelua ko. Eeskepa oda fikama, konima jeemuedi dihapu ova fika mu St. Helena-baai mu Kaapland. Omishajakano edi da dikua ku Bartholomeus Dias oda li ekuafu linene kuvo shashi okua li ve shi shii oku tava ji. Ndelene okua li va kondekua kionkungulu inene nde na da Gama jo a hala okushuna nokuli. Eshi va pitilila Algoabaai ova hovela okuladipala. Oje okua kuñgula nedu. Eshi va kuñgula nedu liua efiku la Kris-mesa ove li luka Natal. Ovo ova enda nokuhuma ko. Pu Delagoabaai opo va mona ovadaleluamo ve nombili. Eshi va fuda po ova tuikila fijo okoñele nedina Mosambiek. Opo va hanga ovaarabia ava va li ve shi naua ondjila okutauluka efuta okuja ku India. Ovaputu vamue okua li va mona ovaarabia ku Noord-Afrika nokua li ve udite ko oshiarabia. Otamu dulu okudiladila ehafu olo Vasco da Gama okua li e li na nepandulo eshi a shiiva kutja ondjila joku India oja monika. Oje okua mona ovaarabia ve shi ondjila jefuta, konima omafiku omilongo ivali vo ova fika medu olo loupuna uhapu. Eshi a longela oskepa jaje oinima ojo tai ka hafifa ovañu keumbo okua shuna ku Portugal. Olo okua li oluendo eli le va lolola.

Konima jeemuedi omulongo na ne ova fika mu Lissabon. Mu Portugal omua li ehafu linene omolu ondjila jokuIndia eshi ja monika. Ndelene omua li jo oluhodi lunene momaumbo mahapu osheshi oshieendo shovañu ve fike 170 okua aluka ashike 55. Ohamba okua li e liuditnaua cmolua Vaco da Gama.

Ngashi mue shi leshe nale kutja Bartholomeus Dias oje uctete a mona edu letu ndelene opa pita efimbo lile manga ovatiliane inava diladila okuuja va kale omu Konima jeedula efele ovaputu ovo aveke. kua li ve shi ondjalafuta jokuIndia. Ovo okua li va punikua. Novaendifuta vahapu okua li ne va hala jo okufika mu India. Ovaholland okua li ovaendifuta ovaladi okuenda eendjila dile. Ovo ohava aluka neeskepa di jadi oidimba jeembidi iua neefei. Ovaholland ova tokola okutunga eeskepa dihapu noimaliva ihapu oja ongelua kehanganano olo la ifanua "Nederlandse Oos-Indiese Kompanjie" olo la tungua omlu eeshingifo lokuIndia. Ovaputu ka kua li o ve shi bata ovaholland va je ku India, ove va kondjifa ndelene ovaholland okua li ve neñgono ve va dule. Inapa pita efimbo ovaputu ova njekua elandelo alishe kovaholland.

Ondjalafuta okua li ile. Shashi vahapu okua li va kuatua koudu uomefuta okua li ne hava kala pomatulilo omuñgulo uetu nohava kongo omeva okunua nombeleli kovadaleluamo. Ova kuata eeshi noiimati ohava i li jomoihua. Tafelbaai ojo ja li oñele oholike javo lokufuda po. Omeva okunua okua dja momulonga keendudu ta fulukile mefuta. Opa li pe na omuiidi utalala oko va nangeka ko ovanaua. Okua li va dika jo eefaila odo va kufa deeskepa dikulu. Ehafu li fike peni lovanaua eshi tava fuda po notava veluka. Ova kala efimbo lile opo nokufuda po. Eshi va fuda po ova shangela eembapila keumbo kovaholike vavo. Ka pa li oposha ndelene eeskepe edi tadi shuna ku Holland odo hadi tualele eembapila odo. Ovaholland ova talele po Tafelbaai luhapu ndelene inava diladila nande okutungila meengulu. Efiku limue oskepa imue edina laje "Haarlem" oja tekela mu Tafelbaai. Ovañu noinima ja li mo ova hupa. Opa pita efimbo lile inamu uja oskepa mu Tafelbaai. Ovo ova dika eefaila nova dika omatuali nova kuna eembuto odo va hupifa moskepa. Ovadaleluamo okua li hava eta oimuna javu ku Tafelbaai shashi okua li omuiidi utalala. Ovadaleluamo kakua li hava longifa oimaliva nde okua li ashike ve uete naua ngenge tava jandje eengobe ile needi kovanaskepa notave di pingakanifa noufelefenda vanini ngashi oilanda ile ombele nomakaja.

Eshi oskepa imue je uja mu Tafelbaai ovanaskepa ja teka ova mona oiimati nombelela. Eshi ve uja keumbo ova lombuela ehanganano "Nederlandse Oos-Indiese Kampanjie" nokutja ku Kaap ova li ko naua. Ovo ova diladila kutja osha uapala ehanganano li kufe ovañu va ka kale ku Tafelbaai opo va ka tuike oiimati jovanaudu no va ka lande eengobe dombelela kovadaleluamo noku ka tungue oshihakulilo. Ova diladila tete kutja Suid-Afrika oñele jokukalua kovatiliaane

Taku tuikilua.

"Naale mua li omilema, nga-shingeji mua ningi, uujelele m'Omua. Endeni ongaana juujelele." Ef. 5: 8.

Omilema odo uupagani uuluude koko. Tu nokutala, omilema oda longo shike matshitua ja Kalunga.

Momilema kamu na uuanaua, niilonga ajihe jomilema taji tu njenge okuhokolola, oshoka mujo kamu noondunge. Kehe oshilonga shomilema otashi holola uuinaji. Ngele tandi dipaga nenge tandi jaka, ote tumbula: "Kalunga, fugula ndje. Shikukutu mooha, shinenguni momupolo." Oondunge domilema tadi longo ngeji.

Olje a tseja shono shi li momilema? Uuinaji auke, Oku nokutumbula: "Kalunga, mu pe ndje." - "Uuinaji ohau zi ku Kalunga; oje ntunga juuinaji nuuanaua." Tashi holola oonkondo domilema muuinaji.

Uuinaji nauo uo uutojelela mepangelo jomilema. Tadi ti: eso ljomuntu lja pungulua maalodi. Ngoka a dipaga omuku-uo, oku undulua komulodi. Omuntu a si uvu; oia gandjua komulodi. Oonkondo domilema du uuca ngeji: omucigona ke nuujamba, ita uapa okukala omulodi. "Ongupa kaji dama ondjuhua." Onkee omucigona e nokukala ke shi omulodi. Ngoka ke nemona ljuujuni, ita ljana, oshoka ruje itapa monika sha nando na dipague.

Miilonga ja tja ngaji omo mua jangele aana jomilema konshitue jetu. (Ef. 2:3)

Onkee aakuetu aahonike, faleni omadiladiio geni konima nkoka mua za. Elenga ngele lja dimbua uucigona ualio novali dimbulukua ouala uulenga, otali ningi egoja, sigo otali isimanekeljene no tali shunduka. Logua ngoje: omitema dokaandjeni, nokutja ongoje omukuamilema mekuvu hakokule, omunezimoelera guomilema.

Kalunga nahambeleele: Nale oua li omilema, ngashingeji ua ningi uujelele m'Omua. Olje ta dimbulucua ku Paulus? Ongame nangoje, mboka tua li omilema notua deuka kiilonga jomilema. Tatekulu Luther ta ti: "Nda li omukani nomugeelui." Uujelele otatu tu minikile, otatu tu talica iilonga jetu jonale momilema.

Ngashingeji one uujelele u'uujuni (Mat. 5:14). Kotoka, uujelele mbu ue u peua kohenda, uaa ninge omilema mungoje. Ino sinda omilema, oua sindilua omilema kOndjaji omujapuki. Oje e nokujela mungoje, oshoka ta ti: "Ngoka ta landu la ndje, ite ende ue momilema; ota kala e nuujelele uomuenjo." (Joh. 8:12)

Omilema da kana, sho tua hililua muujelele? Natango muene guomilema ota kondjo, tu shune mo momilema, moka tua kucua mo.

Onkee taku tiua: "Cikama jela: Esimano l'Omua lje ku etele oonte daljo." (Jesaja 60:1) Ngele otse aana juujelele, nena tu nokukala muuo, opo oonte dauo mutse di minikile oojakuetu je li momilema. Ijeleka, ngele ongoje uujelele, nenge ku shi kujela.

Ijelekeni ngele mu li meitaalo; ipulapuleni. Nenge inamu itseja one jene, nokutja Jesus Kristus e li mune? Nenge paamue itamu vulu ejeleko?" (2 Kor. 13:5)

Sakeus Iihuhua.



OMUMVO 1945 OMAHANGANOTU-MO GAMUE OMAKUALUTERI OGA HANGANA NOGI ILANDELE ODILA NDJIKA JE ENDICA UO AATUMUA AASUOMI.

## AALESHI TAA NJOLA

IILONGA.

Ongula onene piilonga aanamagumbo atuhe tua hala okuguanica iilonga jomepja. Onke haku tiua kehe esiku: Aanona ne nenge aamuandje, ecimbo ljiilonga tali ji, pendukeni tuka longeni; naagundjuka uo ohaa sile uupja uauo oshimpuju. Onaua sho tu na oshimpuju omolu iipaluca, nomalutu uo otaga pumbua iipaluca.

Ihe aakriste ne aakuetu, oshimpuju oshinene osha dimbiua. Omuaa Jesus ota taalele ojana aakriste ajehe je li kombanda jevi, e ta ti: Aamuandje, ecimbo ljiilonga tali ji, longeni, longeni, ecimbo tali ji. Tameka megumbo, puushinda, momukunda nomegongalo. Longa sigo esiku Omuaa guoje te ja e ku zimbule, 2 Kor. 6: 2. Ihe ngele lja pu inoo longa sha, jajee, oluhepo.

Martin Shambo.

NDI NELAO.

Evi ja Josef okaana keedula ntano oka kuatua koutu munene. Opo nee oka tualua koshipangelo. Eshi ka nua oмити, oka kala po naua. Ovakuluntu okua li ve shi oka veluka. Onkee va li va hafa unene.

Efiku eti 31 Augustus 1954 efimbo lako lokutembuka mounjuni omu ola fika. Oka lombuela ovakuluntu taka ti: „Ndi nelao. Onda hala omeva matalala okeumbo.” Opo oka hulifa ouenda uako kombada jedu.

Ina nahe ova longua kefjo lokaana kavo; kutja omesho avo okua popipalifua manga omesho okaana okua pashukila Omukulili uako, nande oke li po kanini. Onke ova tempua koverse ontivali jeimbilo 627: 2.

Omuleshi uokashangua aka, ngeno tu hale tu ninge ovanelao, fijo omefjo letu.

B. Shiteni.

OUTEКУ UOVADALI.

Omudalakadi manga e nokahanona oha kala noilonga joku ka ninga naua, kaha pje, osheshi oungudu uomundilo ou nohoni komudali. Mouambo omu na jo ovo veehe nomesho neenjala omolu omundilo. Ndishii oho kala u udite ohoni omolu oulema ou ile?

Tala nomesho omeni u tale oilema jo-keemuenjo, taji ende taji lipueda; ja pja koulunde. Imue ja pja omolu ohefi uoojina noohe. Osheshi vamue inava tekulua ngaa-shi va lombuelua peshasho, kutja: Mu ka pashukile keshe umue pontelee jaje. Omufikameni oove omuhefi nomunjo meilikano; puilikina: meke laau e hole nge. Omulumonu okua tja ngahelipi? - "Ove oua hala ndi tile shike; omakufikufi aa oku li meke laau e hole nge neenghofo onghe itaji tila sha

Omakufikufi a tja ngaha natango opo e li no taa hale oku tu ninginifa. Kashimba to ti ame ihandi kala mouato ile momulonga. Omukuetu, omakufikufi ounjuni opo e li natango. Okua hala oku tu ninginifa jo nge-nge otu na eitavelo linini.

Omukriste omukuetu oua peua oiundji-fo ja kola kOmue ne okukondjifa olunde. Ino pumbua okutilla ngenge to hangika koudju unene shaashi ou shi shi, omunaenghono opo e li. 1 Joh. 5: 4, 5. Tu taleni kombada kOmue ne, oko taku di ekuafu letueningashi je muene te shi popi ta ti: Okeshe tuu ou ta fii po oinima jaje medina lange o te li likolele omuenjo uualushe.

O. Kamati.

IINJENGA. . . . . kala: okuoko kua jelucua nominue tadi kuata omuele. Navulua okua zimine, omukadona ne je isheue kuje e mu hokololele Kristus. Oje sho kue ja, omusamane okue mu pulakene nohokue. Omunona sho a mana, omusamane a ti: „Nangame uo ndi itaala!” Opo tuu mpoka okuoko kue nominue de da aluka, je ina njengua ue oku di uca.

Oshiningua shika shaliekota ljepapuduko enene; Aantu omajuvi oja taamba Jesus Omukulili guao.

